

BRÁÐABIRGÐALÖG

um breyting á lögum nr. 3 14. febrúar 1949, um samkomudag
reglulegs Alþingis 1949.

82

16. ágúst

FORSETI ÍSLANDS

gjörir kunnugt: Forsætisráðherra hefur tjáð mér, að þar sem Alþingi hafi verið rofið og efnt til kosninga af nýju 23. dag októbermánaðar n. k., beri brýna nauðsyn til að breyta lögum nr. 3/1949, um samkomudag reglulegs Alþingis 1949, er mæli svo fyrir, að reglulegt Alþingi 1949 skuli koma saman eigi síðar en 11. október þ. á. Fellst ég því á, með skirskotun til 28. gr. stjórnarskrárinnar, að gefa út svofelld bráðabirgðalög:

1. gr.

1. gr. laga nr. 3/1949 orðist þannig:

Reglulegt Alþingi 1949 skal koma saman 14. nóvember 1949, hafi forseti eigi tiltekið annan samkomudag fyrr á árinu.

2. gr.

Lög þessi öðlast þegar gildi.

Gjört að Bessastöðum, 16. ágúst 1949.

Sveinn Björnsson.

(L. S.)

Stefán Jóh. Stefánsson.

BRÁÐABIRGÐALÖG

um breyting á lögum um kosningar til Alþingis, nr. 80 7. sept. 1942.

83

16. ágúst

FORSETI ÍSLANDS

gjörir kunnugt: Dómsmálaráðherra hefur tjáð mér, að við kosningar þær til Alþingis, er fram eiga að fara á næsta hausti, sé nauðsynlegt að hafa fleiri en einn kjördag, sakir þess hve kosningarnar fara fram seint að hausti.

Með því að ég fellst á, að brýna nauðsyn beri til að setja bráðabirgðalög samkvæmt 28. gr. stjórnarskrárinnar um framangreint efni, tel ég rétt að gefa út bráðabirgðalög á þessa leið:

1. gr.

Í kosningum þeim, sem fram fara til Alþingis í október 1949 skulu vera tveir kjördagar, þó ekki í þeim kjördeildum, sem eru að öllu leyti innan takmarka kaupstaðar eða kaupsþings.

Þegar kosningu er lokið hinn fyrri kjördag, skal í öllu svo að farið sem fyrir er mælt í 104. gr. laga nr. 80 7. sept. 1942, að því viðbættu, að kjörskráin og þau eftirrit hennar, sem kjörstjórn hefur haft til afnota, skulu lögð með öðrum kjör-

83 gögnum í poka þann, sem innsiglaður er. Eftir að kjörfundur er settur hinn síðari 16. ágúst kjördag, opnar kjörstjórn hinn innsiglaða poka og umslög, sem í honum eru, í viðurvist frambjóðenda eða umboðsmanna þeirra. Sé frambjóðandi eigi mættur eða umboðsmaður hans, kveður hún til valinkunnan mann að vera umboðsmaður frambjóðanda. Sé eigi unnt að fullnægja þessu ákvæði, má þó rjúfa innsigli, opna umslögin og hefja kosningu, þegar klukkustund er liðin frá setningu kjörfundar. Um hinn síðari kjördag gilda ákvæði XII. kafla laga nr. 80 7. sept. 1942, eftir því sem við á.

Ef öll kjörstjórnin er sammála og allir frambjóðendur eða umboðsmenn þeirra, sem mættir eru, samþykkja, má kjörstjórn, þegar kosningu er lokið hinn fyrri kjördag, ákveða, að eigi skuli vera fleiri kjördagar í kjördeildinni, enda sé kjörbókin undirrituð af frambjóðendum og umboðsmönnum, sem samþykkt hafa. Hafi 80% eða fleiri af kjósendum í kjördeildinni kosið eða fengið vottorð samkvæmt 85. gr. laga nr. 80 7. sept. 1942, nægir einróma samþykki kjörstjórnar til slíkrar ákvörðunar.

Hinn fyrri kjördag skal setja kjörfund kl. 10 árdegis og hinn síðari kjördag kl. 12 á hádegi.

Nú hefur veður hamlað kjörsókn og geta þá einn eða fleiri úr undirkjörstjórn við lok kjörfundar síðari kjördaginn, óskað að kjördagar verði þrír. Skal þá kosningu haldið áfram í þeirri kjördeild næsta dag eftir síðari kjördaginn.

Gilda þá ákvæði greinar þessarar um annan kjördag einnig um þriðja kjördaginn.

Við kosningar þessar skal hvergi á landinu hefja talningu atkvæða, fyrr en kosningu er alls staðar lokið.

2. gr.

Lög þessi öðlast þegar gildi.

Gjört að Bessastöðum, 16. ágúst 1949.

Sveinn Björnsson.

(L. S.)

Bjarni Benediktsson.

84

12. ágúst

FORSETABRÉF

um þingrof.

FORSETI ÍSLANDS

gjörir kunnugt:

Forsætisráðherra hefur í dag borið upp fyrir mér tillögu um, að Alþingi verði rofið. Ég hef fallizt á tillöguna, og er Alþingi hér með rofið frá 23. október 1949 að telja.

Gjört í Reykjavík, 12. ágúst 1949.

Sveinn Björnsson.

(L. S.)

Stefán Jóh. Stefánsson.